

www.BibleForChildren.org

Madiu 26



Sabwelo sikisi
simiyamiya ma
Hataona Guyaina
sipaihowa, ma Yesu
'itauya Bedani, beno
Lasalo 'ina 'asa 'oina.
Lasalo tauna mwalona
Yesu 'amasa 'oinega
'i'abi hetoholo hileya.



Muliyetega
Meli holowa 'aigeda
bwebwe'ana sanina
nadi ma wete 'ana
maisa madouna,
'i'eweyama Yesu
'ahena 'iheholoia ma wete
Meliina debanega Yesuina 'ahena
'isaudiya. Holowainaina mahaina
madou hedadena 'oinega maha-inega hada
'alona mabwaiyana 'imiya hegagaleya.



Coinega Yesu 'ana tomuliya 'aigeda site tuwelo
'oidiyega, tauna Yudasa Isakaliyota, 'itauya
topwaoliyao 'idi babadao 'oidiya
ma nuwanuwana Yesu 'oidiya
'itebae. Yudasa 'ina gwae
sihesagoheya, ma siyaliyaya
ma 'oina sigwae hemisa
'abehega'ana maisa si'ebwae.
Coinega Yudasa
tuta bwebwe'ana
'iloyamweya
ma 'abehega
Yesu 'oidiya
'itebae ma
si'abiyahi.




Ta tomuliyaedi Yesu 'ina gwaaina
simuliyeya, ta loheyaina 'ina hada
Hataona 'aiina si'atububuya.

Si'ai'ai ma Yesu'e'ahai 'i'eweya
ta weyahina 'igwae helauwa, ma
'i'abihisiya ta 'ana tomuliyao
'i'ebwaediya, 'igwaeya, "Bewa
wahigu wa'ewa ma wa'ai."



Ma waini mabiyona wete 'i'eweya,
ma weyahina 'iloyauwedowa
Yehoba 'oina, ma 'i'ebwaediya,
ma 'igwaeya, "Mabwaiyami wanuma.
Bewa bweyahigu, lolina hauhauna
weyahina, 'idaudau tomota
mabwaiyami 'imi puiyao 'adi 'ebe
nuwasam weyahina."



Ma wete Yesu 'igwaeya, "Saimoni gwae bewa
'uhesagohe, weyahina Seitani tagwala 'i'ewa pwaiya
ma mabwaiyami 'itohogomi, gide tuwa tobegula 'ina
witiyao 'i'ahu hutuhutu tohodiya, ma sahena
'ebetohoina 'oina 'uwe'awe'a, weyahina weyahiu
ya'ahwanoi waiwaiya 'ino toholo pa'ala weyahina.
Coinega 'eguma to tuta
ma 'unuwahilama
'eda 'ausalana
'oina, tasimwao
wete 'u'abihe
waiwaiyedi."




Coinega Pita 'igwaeya, "Bada, yapasima pwaiya weyahiu, ma 'eguma deliya silaguluguhego, taugu wete ba'idau, ma 'eguma wete silohe'amasigo, taugu wete gide silohe'amasigau." Ma Yesu 'ihewaeya, "Pita, yagwae moisa 'oiuwa, nata muliyetega ma 'am'am 'idou, ma nugeta 'owa 'uuhalaegau matoi."




Eeta Yesu 'ana tomuliyao ba'idanao
sihapwesa tupwa sanina Gedesemani,
ma 'ihewaediya, 'igwae,
"Cebwa wamiyatoi ma
yanao nobwa tupwaina
ya'ahwanoi Tamadai
'oina," 'igwaegwae,
"Tamagu, paihowa
baibaiwana sowasowahiu,
'oinega nuwanuwagu ma
muya biyoina bewa 'oiguwega
'u'ewayahule, ma hesi geya
'abehega taugu 'igu
nuwatuhuwega, ta hesi 'owa
'ino nuwatuhuwega 'upaihowa."



Coinega Yudasa tolo'alehaowedi ba'idanao sinao
tupwaina 'oina, ma'idi wodam ma mayale, ma wete
ma'idi gwegwe 'aleha. Ma tolo'alehaowedi 'adi
tohewasao taudi topwaoli ma Palisiyao. Eeta
'aigeda 'ana tomuliyaina 'ina 'elepa
'aleha 'i'abilagasiya ma Topwaoli
Madouna 'ina topaihowa tena
'ebeulega 'i'upwa yahuleya.
Ta Yesu 'igwaeya, "Walolagu!
Sahena gide!" Ta muliyetega
Yesu loheyaina tenana
'i'abito_hoya, ma 'i'abihe
bwebwe'aneya.



Coinega Yesu si'abiyahiya, ta sitoeya Topwaoli
Madouna 'ina hada. Ma Pita bwagebwagega
'imuliyedima. Hadaina 'ana 'abwalu
'alona topaihowao 'aiwe
siholeya ta mabwaiyadi
simwaimwailu. Pita
'i'itediya ta 'oidiya
wete 'iluhuwa.



Coinega Topwaoli
Madouna 'ina topaihowa
'aigeda, tauna mwalo
Pita loheyaina 'aneyage
tenana 'i'upwe'upweya
'ina susu 'aigeda,
'ihewaeya Pitaina 'igwae,
"Cowa nuwana mahetena
Olibe tanohina 'oina
ya'itegomiya mwalo, 'awa?"
Ta Pitaina wete 'imwehihi hila
'igwae, "Ciya, geya." Tuwa beno ma
'am'am loheyana 'idouwa. Eema
Pita nuwana 'igala madouna,
ta 'ilatuwa 'atamana, ta 'idouwa.



Coinega mabwaiyadi sitoholowa, ta
Yesu sitoeya ta sitauyeya toloina
madouna sanina Pailato 'oina, sabi
yatalae. Coinega Pailato Yesu
'ihesilaleya, 'igwaeya,
"Togidega, 'owa
meYudiya 'idi kini, wa?"
Ta 'ihewaeya, 'igwae,
"Beno 'ugwae pwaiya." Ma
Pailato nuwanuwana ma Yesu


'i'etolihasi, 'oinega boda wete
'ihesilalediya, ma hesi taudi

si'alamanimanini hedadeya,
sigwaeya, "Kelose 'oina tatutu


hepa'ine!"



Eeta Pailatoina 'itagwala 'oidiya ma
Yesu Kolose 'oina situtu hepa'ine.
Coinega tolo'alehaedi Yesu si'abi
yahiya ma sitauyeya. Sitauyeya ma
Yesu 'iboinamo 'ana kelose
'i'ahaliya, ma tolo'alehaedi
mahetenao sitauya 'asa 'aigeda
sanina Bulubulu 'oina, ma hesiyage
sanina meYudiya 'enadiyega
sigwae Goligota.




Casainaina 'oina Yesu situtu
hepa'ineya 'ana kelose 'oina.
Ma 'ana keloseina deina
loheloheya siteluwa wete
situtu hepa'inediya
'adi kelose
'oidiya, loheya
'aigeda 'ina
'ebeulega ma
'aigeda 'ina
'adigeyegeyega, ma
Yesu gamwagamwana.



Ma 'ale' oina 'oinega Hada He' asisi sibiliupeya,
tutaina 'oina 'ilotaigala luwa. Coinega Yesu 'enana
madounega 'ibwauwa, 'igwaeya, "Tamagu yo,
yaluyaluwagu nimauiwa yalagulagu."

Cina gwae bewa 'igwaeneya
ma yawasina 'igumwala.



Coinega Alimatiya loheyaina sanina
Yosepa 'inaoma, tauna ma'ana
hemisa ma 'iyamwayamwa ma
to tuta Yehoba bale'uwa
'ida hetoloina. Tauna
Yosepaina 'inaoma
ta ma'ina 'atepatu
'iluhuwa Pailato
matana,

ma Yesu wahina
'i'ahwanoiyeya ma
'abehega 'igalihe.



Ta Yosepa 'ale'o wa'ewa'e'ena
'igimwaneya, ma 'i'eweyama,
ta ma'ina topaihowao Yesu
wahina kelose 'oinega
silagu dobiheya, ma
'ale'oina 'oinega
siwaduya,
muliyetega
sigaliheya.


Ma galihinaina
yalayalaina gide
duluha da'ule 'alona,
eema da'ule madouna
ma pwa'upwa'uwana
'oinega galihina
si'ahubodeya.



Ma Yesu si'abi hekeloseyeya
me Yudiya 'idi sabwelo
'atububu 'oina, 'oinega
gona 'i'adaleya, beno
'idi Sabati, topwaoli
madouna ma Palisiyao
bodaidi sitauya
Pailato 'oina,
ma sigwaeya, ...



... "Bada, to'aboina mwalo
mayawasina 'imiyamiya
'ina gwae 'anuwatuhuya
'igwae, 'Sabwelo 'etoi
ma 'amasega
yatoholo hila."



"Coinega sitauya ma galiha
'ahwana 'ana loboda
dimwaina wete
sibwadeya, ma nobwa
to'itayahinaedi
sihalagudiya."



Sabati mulina gona 'i'adaleya
wiki hauhauna 'ana sabwelo
nugenugetana 'oina, Meli
Magidala ma'ina waliyesa
sinaoma galiha
sabi bo'ene. Ma
mwani'ini'i
madouna 'ipiliya,
beno Bada 'ina
anelose

'aigeda galewega
'isuluma, ta dimwa
galiha 'ahwanega
'ibuiwasiyeya, ma
'oina 'imiyatoiya.



Ma galiha 'ana
to'itayahinao anelose
si'iteya ma simatauta
madouna, 'oinega
sitaiya ma sibe'uwa
bale'uwa
to'amasa gide.




Ma aneloseina wahiwahineyedi
'ihewaediya 'igwaeya,
"Sahena wa'ate'ateyoho.
Yasanasanapu 'omi Yesu
tauna silohe'amasiya
wabesebese. Tauna
geya 'ebwa,
weyahina
'amasega'



itoholo pwaiya,
gide mwalo
'ihewaegomiya."



Coinega wahiwahineyedi ma'idi
matauta, ma wete ma'idi yaliyaya,
galiha si'ebesineya ma sipili
mwayamwayauwa, 'abehega Yesu
'ana tomuliyao 'oidiya ginaula
bewa sida hepwaile. Ma Yesu
'edai 'ilobediya ma
'iloyauwedowediya, ma
sinaoma
ma



'ahena sigitohodiya
ma si'etuluha 'oina.





Muliyetega Yesu 'ana tomuliyao site lebeni si'ai'ai,
ma Yesu matadiya 'ilatuwa, ma 'iheliyediya 'idi
nuwapota weyahina, 'igwaeya, "Ciyadao taudi 'igu
toholohila mulina si'itegauwa ta 'oimiya sihehepwaila,
ma togidega ta geya wahemisaedi?"

Cida Bada Yesu 'ina hemataluwa 'ana tomuliyao
'oidiya 'ilosaloha pwaiya ma 'ihaneya galewa, ma
Yehoba 'ina 'ebeulega 'imiyatoiya.



Comi tomiya
bale'u Yehoba
'ihelauwegomiya sinabwana, 'oinega
taugu natunaina 'aigeda tuwa 'itagwal
egauwa 'oimiya, ma 'oinega taiyawedi
'omi 'eguma wahemisaegau, geya
'abwa wahehesilae, ma hesi
yawasimi miyamiya
hatayana
waloba.



Loma 3:23 Weyahina mabwaiyada togala, ma tamiya
bwagabwaga Yehoba 'ina 'asilala 'oinega.

Loma 6:23 Weyahina pui 'ana maisa 'amasa, ma hesi
Yehoba 'ina helau beno yawasida miyamiya hatayana,
'ida Bada Yesu Keliso 'oinega.

Ibeliu 9:27 Tomota tauda 'ada lolina 'imiyamiya 'abehega
ma'aigeda ta'amasa ta muliyetega bwa'omatana.

Epeso 2:8,9 Moisa, 'ina 'eheleina 'oinega
'i'abihetegomiya 'imi hemisa weyahina ma geya waboi
'imi paihowa 'oidiyega, ma hesi Yehoba 'ina helau
'oinega. Cida 'abiheteina geya hene 'ida paihowa 'oinega
taloba, nata gide tanuwahane 'abehega tauda
tuwa 'ida waiwaiyega.



Loma 10:9,10 Ma 'abehega Yehoba 'i'etolemegita
'eguma 'ahwadega tatagwatagwala ma tagwae, "Yesu
'owa 'igu Bada", ma 'atedega tahemisae 'abehega
Yehoba Yesu 'i'abihe toholohileya 'amasega.
Weyahina 'atedega tahemiseya eeta Yehoba
'i'ahwa dumwaluwegita. Ta wete tahetohepwaila
weyahina, ma 'i'etolemegita.

Yoni 3:16,17 Comi tomiya bale'u Yehoba 'ihelauwegomiya
sinabwana, 'oinega taugu natunaina 'aigeda tuwa
'itagwalegauwa 'oimiya, ma 'oinega taiyawedi 'omi
'eguma wahemisaegau, geya'abwa wahehesilae, ma hesi
yawasimi miyamiya hatayana waloba.

Ta Yehobaina natunaina taugu 'ihesumanegauma
bale'uwa geya 'abehega yaloinaegomi, ma hesi yatauyama
'imi pui 'oidiyega sabi lemegomi.



1 Yoni 5:11-13 Ma 'ina hepwailaina 'abehega Natuna
'oinega yawasida miyamiya hatayana 'i'ebwaegita.
Ceguma taiya Yehoba Natuna 'oina 'imiyamiya, loheyaina
yawasina bwebwe'ana 'iloba pwaiya, ma 'eguma taiya
geya Yehoba Natuna 'oina, tauna geya.
Cimi leta bewa yalele pwaiyawa ma 'ane wasanasanapu
'abehega 'eguma Yehoba Natuna saninega
wahemihemisae, yawasimi miyamiya hatayana waloba.



Madiu 26-28; Luke 22-24; Yoni 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Bunama Bible (bdd) © 1991, Wycliffe Bible Translators,
Inc. All rights reserved.

<https://live.bible.is/bible/BDDWBT/MAT/1>

©2026 Bible for Children, Inc.

www.M1914.org

www.bibleforchildren.org

